



Broj: 01-11-2-2557/26-9
Konjic, 07.09.2026. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH" broj: 39/14, 59/22 i 50/24), Preporuke komisije za javnu nabavku broj: 10-11-2-2557/26-7 od 07.09.2026. godine, u postupku javne nabavke "Nabavka i ugradnja zaštitne mreže za zaštitu škarpi i kosina", a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku, broj: 10-11-2-2557/26-7 od 07.09.2026. godine i ugovor za javnu nabavku radova "Nabavka i ugradnja zaštitne mreže za zaštitu škarpi i kosina" dodjeljuje se ponuđaču „MENADŽER“ d.o.o. Lukavac, Poljice bb, 75303 Lukavac, ponuda broj: 4.2373/26 od 27.08.2026. godine, za ponudenu cijenu, ostvarenu na e-aukciji, u iznosu od **12.450,00 KM** bez PDV-a, odnosno 14.566,50 KM sa PDV-om kao najpovoljnijem ponuđaču.

Član 2.

Za izvršenje ove Odluke zadužuje se Služba za zajedničke, stručne i inspeksijske poslove.

Član 3.

Ova odluka objavit će se na web – stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-11-2-2557/26-1 od 22.07.2026. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 25.000,00 KM.

Gradonačelnik je Odlukom o imenovanju komisije broj: 01-11-2-2557/26-2 od 23.07.2026. godine, imenovao Komisiju za javnu nabavku i zamjenske članove za nabavku radova: „Nabavka i ugradnja zaštitne mreže za zaštitu škarpi i kosina“.

Na osnovu obavještenja o nabavci broj: 637-7-3-67-3-99/26 od 24.07.2026. godine, objavljenog na Portalu javnih nabavki i tenderske dokumentacije, putem konkurentskog zahtjeva, izvršeno je prikupljanje, analiza i ocjena podnesenih ponuda za nabavku predmetnih radova.

Javno otvaranje ponuda izvršeno je 27.08.2026. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-2557/26-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- Ukupan broj pristiglih ponuda: 2 (dva);
Blagovremene ponude, ukupno dvije, dostavili su:
1) „BULJAN CESTE“ d.o.o. Kreševo, Troska b.b., 71260 Kreševo i
2) „MENADŽER“ d.o.o. Lukavac, Poljice bb, 75303 Lukavac,
- Neblagovremenih ponuda nije bilo,

Rezultati pregleda i ocjene blagovremenih ponuda:

- Ponude ponuđača „BULJAN CESTE“ d.o.o. Kreševo i „MENADŽER“ d.o.o. Lukavac prihvatljive, dostavljeni su svi traženi dokumenti u skladu sa zahtjevima iz tenderske dokumentacije,
- Neprihvatljivih i nepravilnih ponuda nije bilo.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu s kriterijem definisanim u tački 22. tenderske dokumentacije – najniža cijena ponude:

R.b	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a, KM)
1	„MENADŽER“ d.o.o. Lukavac	24.900,00
2	„BULJAN CESTE“ d.o.o. Kreševo	25.000,00

Komisija je, nakon analize prihvatljivih ponuda, zakazala e-aukciju za dan 04.09.2026. godine u 12:00 sati te istu provela u skladu s uslovima iz tenderske dokumentacije, kojom je predviđeno održavanje e-aukcije, i Pravilnikom o uslovima i načinu korištenja e-aukcije („Službeni glasnik BiH“, broj 80/23). E-aukcija je provedena putem sistema e-Nabavke.

Po okončanju e-aukcije, koja je trajala od 12:00 do 12:22 sati (Izvještaj o toku i završetku e-aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (bez PDV-a, KM)
1	„MENADŽER“ d.o.o. Lukavac	12.450,00
2	„BULJAN CESTE“ d.o.o. Kreševo	12.500,00

Na osnovu provedene procedure javne nabavke, ocjene kvalifikovanosti ponuđača, ponuđenih uslova, cijena, te priložene dokumentacije i primijenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač „MENADŽER“ d.o.o. Lukavac, na osnovu čega je jednoglasno dala Preporuku rukovodiocu ugovornog organa broj: 10-11-2-2557/26-7 od 07.09.2026. godine, da se ugovor za javnu nabavku radova „Nabavka i ugradnja zaštitne mreže za zaštitu škarpi i kosina“ dodijeli ponuđaču „MENADŽER“ d.o.o. Lukavac, za ponuđenu cijenu, ostvarenu na e-aukciji, u iznosu od 12.450,00 KM bez PDV-a.

U postupku donošenja ove odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, ocijenjeno je da je Komisija pravilno postupila i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od pet dana od dana prijema ove odluke.

Pripremio: Elvir Nuhić
Kontrolisao: Nedžad Ramić

Dostaviti:

1. Gradonačelniku,
2. Ponuđačima,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-fnansijske i pravne poslove,
5. Službi za zajedničke, stručne i inspeksijske poslove,
6. A/a

